

# Ohcejohka-ullosuohkut

## Plánejeaddji

Eila Tapiola

## Barggu ovdanbuktin

Suohkut gođđojuvvojit giddejuvvon gođusin reattis gitta juolgesuorpmaide.

Suohkuin lea govviduvvon skábma ja geassi, Ohcejoga guokte kánske eanemus ráđđejeaddji jagiáiggi. Suohkuin lea reattis Ohcejoga dovdosamos oaidnámuš, girkostobut, govviduvvon dálvit duoddariid suojis. Juolgeláhpái molsašuvvá geassi, Deatnu, luossabuođđoreŋko ja luossa. Vuodus lea fierbmegovadat, mii lea oahpis Ohcejoga mállesáš girjefáhcaain.

Gođe ivnniid D ja E álggos ivnniin C ja daga daidda náluin čalbmegovadagaid maŋnelis ivnniiguin D ja E. Ráva lohkkjuvvo olgeš vuolleravdda rájes. Guhkes láigemohkiid gánneha čatnat gođđosii dahje geavahit ráidalastekniikka (su. tikapuutekniikka). Minstariin sággejuohku lea merkejuvvon čáhppes sárgáin, mii álkidahtta minstara lohka.

Minstariin A, C ja D sierra minstarat olgeš ja gurut suhkku. Minsttar B gođđojuvvo guktuin suohkuin seamma minstara mielde.

## Láigi ja geavahanmearri

Gjestal Maija

85 % ullu, 15 % polyamida

50 g = 130 m

Láigi A čáhppesalit 206 70 g

Láigi B šerresalit 210 50 g

Láigi C vielgat 202 50 g

Láigi D melerejuvvon ruškat 293 5 g

Láigi E čáhppesránis 227 10 g

Láigi F vuovderuoná 212 5 g

Láigi G fuksia 248 5 g

## Gođusdeahhtisvuohta

Hearvagođus 24 čalmmi /10 cm










## Sákkit ja reaiddut

suohkkogodđinsákkit 2,5 mm ja 3 mm, nállu čalbmegovadagaid ráhkadeami várás

## Sturrodat


38/39, suohkuid sáhtta stuorrudit nu, ahte álggaha báddečogaldagaid easka go unnagaccaš ii šat oidno.

## Minsttarčilgehusat


	neulo oikein värillä A
	neulo oikein värillä B
	neulo oikein värillä C
	neulo oikein värillä F
	neulo oikein värillä G
	neulo oikein värillä C, silmukoi värillä D
	neulo oikein värillä C, silmukoi värillä E
	neulo 2 s oikein yhteen
	ssk

## Ráva

Daga 76 čalmmi 2,5 mm suohkkogođđinsákkiiguin ja ovttastahte giddejuvvon gođusin. Juoge čalmmiid sákkiide 20-18-18-20. Gođe 1 njuolgut, 1 jorgut -reatti 12 gearddi. Lonut dan maŋŋá gođdosii 3 mm suohkkogođđinsákkiid ja álggat dan maŋŋá minstara A.




minsttar A, olgeš suohkku



minsttar A, gurut suohkku

Minstara A maŋŋá botke vilges láiggi ja gođe ivnniiguin A ja B (čáhppesalit ja šerresalit) govadaga B. Minstara B vuosttas gearddis gođe 2 čalmmi njuolgut oktii guokte geardde. Gođdosii báhcet 60 čalmmi. Minstara B mállegeardi geardduhuvvo 15 geardde. Minstara B maŋŋá botke čáhppesalit láiggi.



minsttar B, guktot suohkut seamma minstara mielde. Minsttar lea biddjon maid stuorát kontrásttain, vai ivnniid lea álkit earuhit.

Ovdal šušmmi juoge čalmmiid ođđasit sákkiide nu, ahte gođđojuvvon UTSJOKI/OHCEJOHKA -teavstta gaskačuokkis lea 1. ja 4. sákki molsašuvvansajis. Sihkkarastte ahte čalmmit leat sákkiin 15-15-15-15 (okt. 60 čalmmi).


Álggat dan maŋŋá šušmmi 1. ja 4. sákkiid čalmmiiguin (okt. 30 čalmmi). Sihkkarastte ahte UTSJOKI/OHCEJOHKA -teaksta lea gasku šušmmi. Guođe eará čalmmiid vuordit. Gođe šušmmi ivnniin B (šerresalit).

Álggat nanosmahtton šušmeláhpo gođđimiin 1. sákki čalmmiid njuolgut 4. sákkiide. Jorgal gođdosa ja lokte 1 čalmmi jorgut gođekeahtá ja gođe loahppačalmmiid jorgut.


1. njuolgo bealli: Jorgal gođđosa ja \*lokte 1 čalmmi gođekeahtá, gođe 1 njuolgut\*, gearddut \*-\* oppa gearddi áigge.
2. jorggo bealli: Jorgal gođđosa ja lokte 1 čalmmi jorgut gođekeahtá, gođe eará čalmmiid jorgut.

Go šušmeláhpo allodat lea 28 grd ja leat mañimužžan gođđán jorggogearddi, álggat šušmevuodu čogaldagaid. Gođe nanosmahtton gođđosa njuolgo beali, dassázii go sákkis leat šat 11 čalmmi. Daga badjelrohttenčogaldaga (su. ylivetokavennus) dahje ssk ja jorgal gođđosa. Lokte 1 čalmmi jorgut gođekeahtá ja gođe dassázii go sákkis leat šat 11 čalmmi. Gođe 2 jorgut oktii. Joatkke seammaláhkai, ravdačalmmit geahppánit oppa áigge ja gaskačalmmit seilot 10 č. Go ravdačalmmit nohket, juoge čalmmiid guovtte sággái (5-5). Lokte 1. sággái šušmeláhpo ravddas 16 čalmmi ja 4. sággái šušmeláhpo nuppi ravddas 16 čalmmi. Gođđosis leat dál 72 čalmmi.

Álggat minstara C. Vuodđoivdnin lea láigi B. Gođe ivnniid D ja E ivnniin C ja daga náluin čalbmegovadagaid mañnelis. Daga lohtečogaldagaid (su. kiilakavennus) gođđimiin 1. sákki loahpas 2 čalmmi njuolgut oktii ja 4. sákki álggus ssk- dahje badjelrohttenčogaldaga. Fuomáš, ahte lohtečogaldagat dahkkojit C1-govadagas čieža geardde 1. sákkis ja guhtta geardde 4. sákkis ja C2-govadagas guhtta geardde 1. sákkis ja čieža geardde 4. sákkis. Gođđosis báhcet 59 čalmmi.




minstara C, olgeš suohkku




minstara C, gurut suohkku

Gođe čuovvovažžan minstara D. Daga minstara mielde báddečogaldagaid.



minsttar D, olgeš suohkku



minstar D, gurut suohkku

Go godđosis leat šat 8 čalmmi, botke láiggi ja rohte dan čalmmiid čađa. Daga náluin čalbmegovadagaid, ivnniid D ja E. Gidde láigegežiid godđosa jorggobeallái. Dibme suohkuid geahppadit čáhcelievllas.